


777792




1













# NOS CAROLUS

DEI Gratia, Svecorum, Gothorum, Vandalorumq; REX, Magnus Princeps Finlandiæ, Dux Scaniæ, Esthoniæ, Livoniæ, Careliæ, Brehmæ Verdæ, Stetini Pomeraniæ, Cassubiæ & Vandalæ, Princeps Rugiæ, Dominus Ingriæ & Vismariæ; Nec non Comes Palatinus Rheni, Bavaræ, Juliaci, Cliviæ, & Montium DUX. 1777/12



Niverfis ac fingulis, quorum intereft, imprimis vero Reverendiſſimis, Illuſtriſſimis, Magnificis ac Generoſis Ordinibus in Magno Ducatu Lithvaniæ, cunctæq; illic Nobilitati, præſentibus hiſce notum teſtatumq; facimus: Cum ad proſtigandum iniquiſſimum bellum, quod Rex Auguſtus, violato Olivenſi foedere Nobis intulerat, in Poloniam cum exercitu ſumus ingreſſi, injurias Noſtras ita ulciſci voluimus, ut Reipublicæ ab illo oppreſſæ rationem ſimul haberemus. Videbamus enim ſalutem Poloniæ, cum Noſtro ita conjunctam eſſe Regno, ut neq; illa libertatem tueri ſuam, neq; nos fidam immotamq; cum illa pacē conſervare poſſemus, niſi remota malorum cauſa, utriuſq; Regni ſecuritati adverſus inſidias ſubſeſſorum proſpiceretur. Proſperavit adeo conſilia Noſtra DEUS, vindex omnis perſidiæ ac iniquitatis, ut hoſte ubiq; fuſo, Polonia tempus nancifceretur vulnera, quibus exedebatur, rimandi, plagifq; periculofis, quas culpâ Regis ſui acceperat, tempeſtivum adhibendi remedium: exaucto- rato primū ob notiffimas graviffimasq; cauſas oppreſſore Rege, inquē locum ejus Electo Sereniſſimo Principe ac Rege STANISLAO Primo, cui conſvetis nuper ſolennibuſq; ritibus diadema impoſuit Polonicum. Nos itaq; non tam ſatisfactionem intuentes, quæ juſta nobis contigerat, quā pignus adepti duraturæ in poſterum fidei, pactorumq; obſervantiæ, non dubitavimus per Legatos Noſtros in Comitijs Varſavienſibus cum eodem Rege ac foederatis Reipublicæ Ordinibus antiquū renovare foedus, veteremq; reſtaurare amicitia, conditionibus adeo luculentis & Poloniæ proficuis, ut illa non modo integris finibus ſuis concuſſam pacē redimeret, ſed etiam noſtrū ſibi ſtipularetur auxilium adverſus quofcunq;

)1(

tam

*Libr. H. Bukowskiego nr 1848a*

*29/1. 1706*



tam intra, quàm extra Regnum, qui novum Regem infestare, illamq; impedire sustinuerint, quo minus pristinam recuperet libertatem, Iuraq; ac Privilegia libero populo usitata, jam verò Moscicis Saxoniciq; insidijs in ultimum adducta discrimen asserat. Quæ Religioso foedere promissimus, præstare optimâ fide, ac pro virili annitemur certi arma prius non deponere, quàm annuente Supremo Numine, quod iustæ causæ Nostræ adfuturum omnino confidimus, pacatam Poloniam, novumq; Regem extra discrimen positum, ejectis hostibus, videamus. Hoc proposito in Lithvaniam reversi, spem capimus indubiam, inelitos ejus Ordines & universam Nobilitatē, qui incumbente hætenus onere domesticis malis occupati, lacertos movere non potuerant, jam tandem ad excutiendū exterorum jugum, cum auxiliaria arma Nostra in propinquo circumferri videant, tantò promptius concursuros, quantò intolerabiliorem hætenus exterorum dominationem experti sunt. Quam impigrè ac feliciter Ordines foederatæ Poloniæ hoc exsecuti fuissent, notum est: quibus animo ac in patriam caritate Lithvaniam nihil concessuram æquum est credere, sed potiùs ad liberandam patriam experrectos studijs suis paribusq; votis sublevaturam, dum animi calent, & opportunitas rerum invitat. Erectum jam cernitis libertatis signum, præeunte Serenissimo Rege STANISLAO: cui imperium ut stabiliatur, eò magis optandum, quòd indigena, moderatus, fortis, patriarum legum gnarus & amans, libertatem, cui ipse innutritus fuerat, sollicitè conservabit ac tuebitur. Ad Nos quod attinet huic instituto arma Nostra dicavimus: laborum omnium, quos sustinebimus, non aliud gratiusq; præmium Nobis deposcentes, quàm ut salvam Rempublicam, salva Iura ejus, novi; Regis solium constabilitum videamus. Ea jam dedimus in Rempublicam sinceri animi documenta, ut nemo hanc intentionem Nostram in dubium vocandi æquam habiturus sit causam, sive recens foedus cum illa sancitum, sive reliquas actiones Nostras, percensere voluerit. Inveniet Nos fidei ac promissorum nusquam fuisse negligentes: qui etiam cum lautissimas condiciones, opimasq; è fundo Reipublicæ Provincias, ab hoste Nobis oblatas, lucrari potuissemus, maluimus non exiguo proprii Regni incommodo, quod peregrinantibus in Polonia armis Nostris, passi sumus, Reipublicæ saluti subvenire, quàm à data fide tantillum recedere. Quæ verò conspirati hostes moliantur, neminem vestrū irâ ac privatis simultatibus adeo obcoecatū esse arbitramur, qui non ea & videat & expave-scat. Non ignorare quisquam vestrum potest, si vel maximè dissimulet, quæ prior Rex à primis Regni auspicijs in perniciem totius Reipublicæ, & in primis Lithvaniæ, cum animo suo constituta habuisset. Quæ coargui eò minùs jam necesse est, quod testimonia habeatis Virorum de Republica optimè meritorum, qui enormis  
ejus



1  
ejus destinata, & actiones totius orbis oculis, publico scripto, exponere non dubitarunt. Cum Nostris armis præoccupatus, persequi illam non potuisset, seq; gradu depulsum vidisset, inimicissimum Polono nomini hostem in Reipublicæ Provincias pertraxit, quo cum antea secretâ cum contraxisse societatem constat, ad Poloniam non minùs, quàm Sveciam opprimendâ. Qui impendisse hoc discrimen, cum initio prædicebatur, non crediderant, jam nimiam oculis suis attribuant fidem oportet, cum inundatam Moscorum, barbararumq; gentium colluvie Lithvaniâ adspiciant. Cum inducta hæc agmina nemo verè affirmaverit ad Poloniam Nobis eripiendam, qui è finibus ejus nihil decerpere voluisse Nos & antea declaravimus, & nupero foedere ostendimus, relinquitur judicandum, quo cuncta hæc tendant. Si ad veterem regem restituendum destinata sunt, vetus quoq; renovabitur scena, Poloniæ Lithvaniæq; procul dubio exitiosa ac fatalis: cujus ultimus actus esset, ut firmata alterius dominatione, alter mercedem iniquæ societatis è fundo Reipublicæ reportaret. Qui tanta liberalitate erga Nos uti voluerat, an parciore tam fidum conjuratum oppignorare voluisse largitione, credendus sit? Ij verò qui literas in Moscoviam superiori anno missas viderant, quid Czarus animo volvat, rectius conijcient, si Lithvaniam titulis ejus adjectam invenissent. Interim quorum operâ usus est Rex Augustus ad pestem hanc in fines Reipublicæ arcessendam, speciosum ij quidem inconveto fervori ac ambitioni suæ titulum præferunt; qui tamen Rempublicam funditus eversam præoptare videntur, quam suis non litare affectibus. At hos opinio sua vehementer fallit, si lucem hanc, intima Reipublicæ viscera corrodentem, tam facile discuti putaverint, quàm fuisset inducta. Quis enim Moscorum cupiditabus legem præscribet? aut tam simplex erit, ut credat vacuis manibus exituros, ad nutum jussuq; eorum, qui eos adsciverant? Qui non semel ostenderat se foederum religione parùm moveri, quis existimabit eorum in posterum fore observantio-riorem? aut quomodo planum fiet, eum qui tot vasti ac insatiabilis animi signa dederat, qui Polonis Lithvanisq; ut mancipijs imperat, sacraq; eorum contumeliosè tractat, moderatiorem fore, metu armorum Nostrorum adempto. Deponeret procul dubio mutabilem istam comemq; personam, quam susceperat: futurus illis, qui adjutaverant, tanto acerbior, quanto invitioribus oculis ab illis, quorum credulitas decepta esset, conspici se intellexerit. Interea hunc fructum pervicaciæ suæ metent, ut, cum illi ipsi de fortunis suis periclitentur, devastari patriam suam; propinquos, amicos, conjuges liberosq; carissima cujusq; pignora, in servitutem abstrahi videant, & universi deniq; rigidas sub jugo Moscovitico cervices inflectant. Qua propter, quibus sua & publica salus cordi est, eos omnes singulosq; præsentibus literis admon-



nemus, ut saniora tandē consilia capiant; depositisq; feralibus dissidijs, concordibus animis studijsq; ad eorum se applicent societatem, qui cum Serenissimo STANISLAO Rege conculcatam libertatem recuperare, Rempubicamq; universam ab interitu vindicare aggressi sunt. Concessa est dissidentibus amnestia anteaactorum, apertusq; in sinum Reipublicæ reditus: Cujus vigore Nos quoq; propensi sumus, non tantum in fidem accipere, quos pro communi causa rectè animatos comperiremus, sed etiam eos, eorumq; fortunas ac bona ab insultibus hostium tueri, abq; cunctis defendere vexationibus. Desinant igitur Patriæ suæ ruinam accelerare, considerentq; nullam esse luctuosiores victoriam, quam quæ civili sanguine comparatur. Quanto satius erit in communem Sveciæ ac Poloniæ hostem iras convertere, dum aut dispersus agit, aut ita delitescit, ut præsidium à munimentis quærat. Quæ Nostrarum sint partium, sedulo curabimus: pleni fiduciâ, rem nos ita gesturos, ut in commodum, decus & utriusq; Regni incrementum vergat. Qui verò facultatem à Nobis oblatam aspernantur, nec dum satiati Patriæ suæ calamitatibus, in pernicioso proposito adversus Rempubicam, novumq; Regem, quos ad ultimum defendendos suscepimus, perseverant, suæ pertinaciæ acceptum referant, si ubiq; locorum, ea mala, quæ promeruerant, jure ac rigore belli ijs repræsentari faciamus: quæ matura declaratione, si visum fuerit, evitare atq; prævenire illis integrum est. Quo autem magis constaret, ea, quæ præmonere visum est, impletum iri in has literas manu Nostra subscriptas, sigilloq; Regio communitas, ad singulos Palatinatus in Magno Ducatu Lithvaniæ mitti jussimus, Dabantur in Hybernij Nostris Camionæ, die XXIX. Januarij, Anno MDCCVI.

CAROLVS.

L.S.

C. PIPER.



